

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsiobasotho.co.ls

Metsofe e tla ke e heme



3

Sechaba se tsitsipane

5



LHDA e haufi le baahi

8



LESELA LE OELE

13

1824-2024
BASOTHO

KETEKELO EA LILEMO TSE MAKHOLO A
MABELI SECHABA SA BASOTHO SE THEHILOE

MOELETSI

Ho ithuta ho amohela maemo

Mehlang ena lefu le seng le qeta batho naholo ke phallo e phahameng ea mali e bakoang ke khatello ea maikutlo. Lefu lena ka nako e 'ngoe litsebi li hlalosa menyetla e phahame ea hore le bakoe ke ho sitlallela nthong eo re ntseng re bona hore ha e tlise molemo oa letho bophelong ba rona. Re mamela mahloko le matšoenyeho ohle hobane re tšaba se tla etsahala ha re ka ikemela. Mohlala o motle ke motho ea lulang le molekane ea mo hlekefetsang e ka ba 'meleng kapa maikutlong.

Tšabo e kholo ke hore na motho eo u phetseng le eena lilemo tse ngata hakaana u ka arohana le eena joang? Potso e ka arabang ena mohlomong e ka ba hore na ho molemo ho shoa hobane feela u sitoa ho arohana le motho. Bophelo ba hao u utloa bo se bohlokoa hakaalo hoo u ka inehelang habobebe hakaalo? Motho eo u kopanang le eena u so ntso le lihaka u tsofetse u le tjeje u so utloa u ka sitoa ho phela ntle le eena?

Le hoja Morena a re bopile ho phelisa 'moho a ke ke a thabela ho bona e mong oa bana ba hae ba phela hara litlokotsi hobane o ile a romela Mor'a Inotši oa hae ho hlakola libe tsohle tsa bana ba hae. Ka hona ha khotso e se e le sieo kothaletso ke hore ho buisano, ho fihleloe tharollo, ho sa khathalle hore na eba ea mofuta ofe.

Maobane ka la 1 Motšeanong e ne e le Letsatsi la Bosebetsi 'me mekhatlo e fapakaneng e ile ea kete ka libakeng ka ho fapakana. Letona la Khiri le ile la ba teng ketekelong e 'ngoe moo le bontšitseng moo o le morerong oa ho theha mosebetsi ka ho bula lifeme. Ho buloa ha lifeme ha se mohlolo o mohlolo, empa taba ea bohlokoa ke hore basebetsi le mohiri ba se ba tlo lula fatše ho buisana ka meputso. Taba ena ha e-s'o etsahale ho hang nalaneng ea basebetsi ba lifeme, ha e ka phethahala e tla thusana hore meferefere le boitseko bo etsoang ke basebetsi e fele.

Letona le boetse le entse boipiletso ba hore basebetsi ba se khathale matla ho kena lipuisanong le bahiri, 'me bona joaloka lekala ba itlama ho bona hore litokelo tsa basebetsi lia hlonepshoa. Bahiri le basebetsi ba sebetsa 'moho ka mofuthu le khotso.

Ho utloisa bohloko ho bona batho ba tšepetsoeng ho alafa Basotho ba ba soetsa ka hore ha ho lisebelisoa moo ba shebileng ho tlatsa limpa tsa bona feela. Feelahantle Basotho ke mang ea tlisitseng karohano ena e melisitseng lipelo tse mpe, bosoele le bosooto kahara sechaba sa Thesele?

Koluoa e ntse e nama

Nthabeleng Seithheko

Sechaba se tšoenyehileng ke tlhokahalo ea mesebetsi se re likomiti li lokela ho khama mokotla oa 'muso pele ba abela makala chelete hore ho be le maano le boitlamo ba tlhahiso ea mesebetsi hobane taba ena ke koluoa. Tsena li hlahelletse tulong ea Komiti ea Paramente e lisitseng Boiketlo ba Sechaba le ea Tona-Khola, ka la 30 'Mesa monongoaha.

Adv. Thembo Lesupi o itse ho bonahala baithuti ba phethelang lithuto tsa bona Likolong tse Phahameng ba le bangata ba bile ba sa hiroe, ka hona 'muso o lokela ho hlahloba leano la thuto kaha ha joalo o ntse o tsetela thutong e sa tsoeleng sechaba molemo.

O re bacha ba inehella lithetefatsi le ho ea litotomeng

hobane ba hloka mesebetsi ho phelisa malapa.a bona. O re boholo ba bacha ba lipelo li bohloko, ka hona o ipiletsa hore ho be le maano a hlakileng lipakeng tsa mebuso e le hore moruo o tlo potolohe habonolo. A phethela ka hore se ba tšoenyang ke hore ho thoe ba ithehele mesebetsi, ha ba entse joalo ka ho sokola hohle 'muso ha o itšoenye ho reka lihlahisoa tsa bona.

Tšeliso Thamae, ho hlaha Mokhatlong oa Mekonteraka Lesotho, o re tlhokahalo ea mesebetsi e ka ba pale ea maobane ha 'muso o ka abela mekonteraka ea naha ena e fapakaneng mesebetsi e sa batho ba itseng. A re sena se tla thusa hore chelete e ngata e fellang mekontareng e meholo e sa hireng Basotho e potolohe, e tlohele ho abeloa melata ho tloisoa Basotho mahlo holimo.

A bontša tšebetso ea likonteraka ha joale e se

Thae Makhele ho hlaha Lekaleng la Thuto le Koetliso, Lefapheng la Mesebetsi ea Matsoho o hlalositse hore Naha ea Lesotho e tobane le khaello ea lithuto tse arabelang lithoko tsa sechaba, ka hona o khothaletsa hore ho etsoe melao e matlafatsang litsebo, tse tla thusa hore kamoso ho be le litholoana tse hlabosehang.

Dr. Litšabako Ntoi ho hlaha Setsing sa Tlhahlobo ea Manane Thuto, o itse tlhokahalo ea mesebetsi e hloka lipuisano tse bulehileng litsing tsohle tse amehang, e le ho qoba taba ea baithuti ba phethetseng lithuto tsa bona ho se letho leo ba le etsang hobane thuto e sa arabele lithoko tsa nako ea ha joale. A re le hoja lefatše le bua ka noesetso le tikoloho ho se tloiso e ntlafatso ea thuto mahlo ho shebiloe boemo le tlhokahalo ea lichetele.

Molula-Setulo oa Komiti Mohlomphehi Makhalanyane Mokhothu, o hlalositse hore Basotho ba utloile bohloko, ba bile ba soabisitsoe ke puso ena e hlohang



Contacts: +266 28350 466 / 6260 0983 (Whats app)
Email: moeletsioabasotho@gmail.com

MOELETSI oa BASOTHO
A LOKISETSE MORENA SECHABA SE PHETHHELENG (LUKE 1:17)

Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaona
(+266) 28 350 466/ sales@moeletsioabasotho.co.ls

Newsroom

Nthabeleng Seithheko 57 665 038/ 68 216 721
nthabeleng.seithheko@moeletsioabasotho.co.ls

Tšeliso Thakholi (Sports) 58 540 853/ 63 480 404
tseliso.thakholi@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

bonolo hobane bahoebi ba tsoelopele hobane e nyemotsa mangolo a hlaha linaheng tse ling a ka thusang Basotho ho fumana mesebetsi ho tsona. A re matona a ichebile bo-ona a lebetse sechaba haholo bacha, ka hona a tšepisa hore ba tla hlophisisa 'moka o moholo ho tla tšohla litaba tse amanang le tlhokahalo ea mesebetsi ba be ba fihlele tharollo.

Metsofe e tla ke e heme

Nthabeleng Seitlheko

Letona la Tekano le Ntšetsopele ea Sechaba, Mohlomphehi Pitso Lesaoana, o re mokhoa oa ho amohelisa maqheku le Maqhekoana litsiane ka tšebeliso ea marang-rang, o sebelitse hantle Ha Mabote, Motimposo le Ha Matala, moo e neng e le boithuto. Tsena li hlahelsetse polelong ea hae ea la 29 'Mesa monongoaha.

O re mokhoa ona oa o fokotsa litšenyehelo tseo lekala le kenang ho tsona ho etela litsi tsa moo ho kholoang teng, hape o boetse ho thusa metsofe ho khaotsa ho nka maeto. A re ba boetse ba ipapisisa le mekhoha e matlafetseng ea ho lefa batho ka marang-rang e bile e bolokehile.

A re khoeli ena ea Motšeanong monongoaha ke ea ho qetela metsofe e amohela ka letsoho, ebile ho tloha ka khoeli ea Phupu litsi tsa Ha Hlalele, Ha Tikoe le Ha Makhoathi, li tla koaloa 'me bohle ba si-

toang ho fumana litsiane ka marang-rang ba se ba tla li fumana Posong e Kholo ea Maseru. O ipilelitse ho bohle ho ngolisetsa ho fumana litsiane ka marang-rang.

Hosane joalo, Morena oa Sehlooho oa Lioli Khabasheane Masupha, o supile hore taba ena e le bohlokoa haholo, empa metsofe e fuoe thuto e lekaneng mabapi le litaba tsena joaloka ho boloka nomoro ea bona ea lekunutu e le hore chelete ea bona e se inkeloe habobebe..

O re e tlo boela e ba thusa khahlanong le lithekefetso tseo ba neng ba tobana le tsona haholo ho batho ba neng ba ba rekisetsa libakeng tseo ba khollang ho tsona, le litloholo kapa bahlokomeli ha ba sa tla ba le bolokolohi lichelete tsa bona.

Nkhono 'Mantebaleng None, ea ahileng Ha Mojakane, o hlalositse hore mokhoa ona o mocha o nepahetse hobane o khona ho boloka chelete ea hae nako e telele, ebile e 'molokela lekunutu.



M1.4 Million e abeloa ba amehileng

Nthabeleng Seitlheko

Ele ho kenya letsoho kamor'a tlokotsi ea ho angoa ke lifefo le lipula tse matla, Mokhatlo oa Sefapano se sefubelu o thakhotse phano ea litsiane ka marang-rang e reretsoeng ho khahlametsa malapa a 154 a tlokotsong Literekeng tsa Quthing le Maseru e teropong, ka la 31 'Mesa monongoaha.

Mongoli-Kakaretso oa Mokhatlo Sechaba Mokhamelili, o bontšitse hore ka khoeli ea Tšitoe ngoahola, ho bile le lifefo, lipula le meea e ileng ea ama Setereke sa Quthing le Maseru e ka maloting, moo boholo ba malapa a ileng a sala lepala-paleng.

O re sena se ile sa etsa hore ba tlole matjato ba arabela lithoko tsa sechaba nakong ea lihora tse 72 empa kaha e ne e le matsatsing a phomolo ba ile ba lieha ho fana ka thusa. Empa leha ho le joalo ba ile ba etsa kopo e khethehileng ho IFRC 'me ba fumana tšebetso ea chelete e kaalo ka M1.4million. Ka



hona o re ba atlehile ho fana ka tšebetso eaea maikutlo ho ba amehileng, lijo le chelete ho latela tlhoko ea motho ka mong.

O re e le ho sireletsa seriti sa bahloki ba tlo reka masenke le mapolanka ho na le ho fana ka chelete ebe ba mane-ha litaba tseo marang-rang.

A bontša hore chelete eo e tla lisoa ke likomiti tsa metse,

marena le makanselara ho bona hore e fihlela merero ea eona ho latela tlhoko ea lelapa ka leng.

Lebitsong la Setsi sa Likoluo (DMA) Lilahloane Mohapi, o re ba motlotlo ka tšebetso ena hobane ba sebetse 'moho le Mokhatlo oa Sefapano se Sefubelu, hape ka lehlakoreng le 'muso ka Ofisi ea Tona-Kholo o ntse o ahela

batho ba bang matlo.

Lebitsong la IFRC Bongeka Mpinke, o supile hore ba sebetse la baithaopi lefatše ka bophara, litabeng tsa tlokotsi haholo moo ho sa fihleleheng ha bonolo hobane boholo ba mekhatlo e sebetse libakeng tse haufinyane. A re ha joale linaha tsa Afrika ka lebaka la boemo ba phetoho ea lehlimo li tobane le phepetso e kholo ea likhohola, tlhokahalo ea lijo, lifefo le komello e ameng meru.

O re ketelong ea hae Seterekeng sa Quthing o bone mochoso o bakileng komello e

a ameng tlhahiso ea lijo. O itse IFRC e sebetse linaheng tse 'ne eleng Lesotho, Namibia, Botswana le Eswatini.

Mookameli oa Mokhatlo oa Sefapano se sefubelu, Hareteke Nkhetše, o itse ke malapa a 154 a tla una molemo cheleteng ena, ebile ho se ho thusitsoe a 58 a Seterekeng sa Quthing. A re ba thusana le 'muso o thusa bohle ba tlokotsing ba sa khethe nku ka pere. A thetha ka lilemong tse 50 tsa tšebetso ea bona ba sheba maemo a tlokotsi ka botebo, kaha eba ba pele ho fihla le ho tloha sebakeng.



Botaki ha se papali

Tšeliso Thakholi

Botaki ke tsela eo bacha ba ka atlehang ho iphelisa, le ho fenyha tlhokahalo ea mesebetsi Naheng ea Lesotho. Botaki ka mefuta ea bona e boetse ke neo e ikhethang e ka bang le bokamoso bo chabileng ha feela bo ka fumana tšehetso ho tsoa ho bahoebi le 'muso joaloka lithuso tse ntseng li fuoa bacha ba nang le talenta ea temo le mahlale.

Abuti Thabo Selibo ea qalileng tšebetso ea hae ea botaki ka selemo sa 2022, o taka le ho etsa mefuta eohle ea litšoantšo. O boetse o kenyelelitse le litšoantšo tsa matlo, bakeng sa batho ba itokisetsang ho aha. Leha batho ba batla ho etsetsoa litšoantšo tseo e leng tsa bona, o'a li etsa. O etsa mosebetsi o tsoileng matsoho o hohelang bareki. H'a bua ka talenta ena ea hae e khethehileng o li beha tjena:

Botaki ke talenta joaloka tse ling, 'me batho ba bang ba bo ela sekolong ho bo matlafatsa. Naha ea habo rona ea Lesotho joaloka linaha tse ling, e na le batho ba nang le litsebo tse khethehileng tsa ho taka ka matsoho a bona. 'Na ha kea bo ela sekolong empa ke ile ka bo matlafatsa ka ho ikopanya le batho ba bang ba seng ba ntse ba e-na le neo ena. Batho bana kea ba leboha hobane ba ile ba mpha kahare ho letsoho. Botaki ke talenta eo ke e nyantseng letsoeleng hoba batsoali ba ka ha e sale e le batho ba ratang ho etsa litšoantšo haholo-holo ntate oa ka.

Ke entse mosebetsi ona ho tloha ha ke ntse ke le Sekolong sa Mathomo, se Phahameng le ha ke se ke le ho se seholo se Limkokwing. Hara botaki baka ke etsa litšoantšo tse bontšang maikutlo a batho ka 'mele, ke etsa lipopae sebakeng sa likoranta joalokaha re ne re tseba hore nakong ea ho feta Koranta ea Moeletsi oa Basotho e ne e re hlabolla ka tsona. Ebe li ne li fella



kae? Che ke potso eo re ntseng re ipotsa eona re le bacha. Ke boetse ke etsa litšoantšo tsa matlo le tsa batho ka bo-mong. Haele tabeng ea ho rekisa, 'maraka koano habo rona ha e-s'o be motle haholo, hobane qholotso e kholo eo re kopanang le eona ke hore sechaba sa Basotho se ntse se e-s'o be le kutloisiso e ntle mabapi le mosebetsi oo re o etsang. Ba ntse ba nkile e le papali. Ho feta mona bothata bo bong ke litheko tse boima tsa mefuta e fapakaneng ea lipente tseo re li sebelisang.

Ke ipiletsa ho 'muso oa habo rona le sechaba sa boithatelo bo botle ho thusa batakhi ka ho ba tšehetsa ho holisa le ho matlafatsa khoebo ena ea rona. Ha re ka fumana tšehetso re ka tseba ho iphelisa ka mosebetsi ona oo re o ratang. Rona re se re ntse re qalile

ho itlhamisetsa mosebetsi ona oa boipheliso, 'me re se re hloka sechaba sa Basotho se re tšehetse. Botaki ke o mong oa mesebetsi e

bo ka fumantšoa tšehetso e hlokalang.

Ho lona bacha ba seng ba nang le lerato la talenta ea botaki, keletso ea ka ke

ntse ba le kahare ho tšebetso ho le hlahlella ka malebela. 'Na ke teng ka linako tsohle ho le thusa ka litšebetso tseo le nang le tsona,



nang le bokamoso bo botle, 'me bo ka thusa kholisong ea moruo oa naha haeba

hore le sebetse 'moho ka mokhoa oa boikopanyo. Atamelang batho ba seng ba

ho holisa litalenta tsa lona tsa botaki etsoe ke boetse ke le tichere ea bona.



Beke e lekane



Nthabeleng Seithleko

Ea tšoereng Molepo e le Mookamelu Lefapheng la Tikoloho Qong-Qong Hoohlo, o re Lekhotla la Motse-Moholo Maseru (MCC) le ntse le tloa molao oa tikoloho oa Sele-mo sa 2008, ka ho qhalla lithole thotobolong ea Ha

Tšosane Maseru. Litaba tsena li hlahelletse, tulong ea komiti ea lisitseng lihloiloeng ka la 29 'Mesa monongoaha.

O re molao oa tikoloho ha o ba lumelle ho fana ka li mangolo a libaka tsa lithole kaha li ama tikoloho. A re ba ntse ba sebeletsa hore molao o joalo o kene tse'ebetsong hore sechaba se bolokehe khahlanong le litšila le polokeho ea tikoloho.

Setho sa komiti Thabiso Lekitla, o bontšitse hore motho ea tloang molao oa tikoloho a ka tšoaroa le ho nkeloa likhato tsa molao, ka hona o makatsoa ke hore MCC ha e-šo nkeloe likhato tsa molao. O re kothalelitse hore thotobolo eo e koaloe hobane e silafatsa tikoloho, e bakela sechaba mafu.

Mohlomphehi Lebohang Hlaele o itse ba lokela ho sebetse ka thata ho ntlafatsa melao e arabelang lithoko tsa sechaba molemong oa lintlafatso tse nepahetseng,

ka hona makala a amehang litabeng a bone hore lithole tseo lia tlosoa.

Letona la Tikoloho le Meru, Mohlomphehi Adontši Adoro, o tšepisitse hore kamor'a beke ba tla be ba tlositse lithole tsohle kaha li ama bophelo ba sechaba.

Letona la Borena, Tsa Lehae le Sepolesa, Mohlomphehi Lebona lephema, ka tsela e tšoanang o entse tšepiso ea hore ba tla hleka tsohle, ebile ba se ba entse papatso hore ba nang le litsebo ba thusane ho hloekisa ka mokhoa o bolokehileng.

Litaba tsena li late-la hore sechaba sa Ha Tšosane se koalle likoloi tse qhallang lithole sebakeng seo, ka lereng sebaka seo se ba tlisetsa litali, maphele, mafu le ho senya tikoloho. Sepolesa se ile sa kena lipakeng eaba se mathela kapel'a Komiti ea Lihloiloeng Paramenteng le Ntlong ea Bakhethoa.

Sechaba se tsitsipane



Nthabeleng Seithleko

Moetapele oa Lekhotla la Sechaba (DC) Mathibeli Mokhothu, o re o tšoentsoe ke litlolo tsa molao tse et-sahalang kahara naha tseo 'muso o bonahalang o sa nke khato ea letho ka tsona. O boletse tsena sebokeng sa Mabatooa a Maseru, ka la 28 'Mesa monongoaha.

O re lipolaeano li lithaselanano li phahame hoo ho hloka-hetseng ba batho 583 'me hara bona ba bang ba thuntsoe ha ba bang ba hlabiloe ka lithipa. O itse leha ho le joalo ha e-s'o utloe Tona-Kholo

kapa letona le amehang le ntša puo. A tsoelapele hore le bosholu ba liphoofolo bo anetse haholo Literekeng tsa Thaba-Tseka, Mokhotlong le Butha-Buthe.

O itse 'muso o litulong ha o tsotelle Basotho hobane matona a ikabela mosebetsi e mehola 'moho le metsoalle ea bona, ba hoebisana ka bo-bona 'me seo se bolaea likhoebo tsa Basotho kaha ba reka mehloling. A re ba-hoebi ba longoa ke nta tsa kobo tsa bona hobane ke bona ba khethileng barui ba pusong. O re naha e lokela ho bona hore lihloiloeng li tsoela naha le Basotho molemo joaloka ho hoebisana le merafo.

O supile ha naha e tobane le tlhokahalo ea mosebetsi hobane 'muso o theohetse palo ea likhakeletsi ho tloha ho batho ba 50 ho ea ho ba 17, le hoja e le boikarabello ba ona ho hlahisa mosebetsi le ho bona hore sechaba se phela ka boiketlo. A re litšebeliso tsa phano ea libukana tsa ho eta le litokomane tsa boitsebiso li putlame.

A leboha litho tsa DC ka ho ba khetha ka lipalo tse ngata, 130,000 hobane likhetho li bohlokoa kaha li tlise bophelo kapa lefu sechabeng.

Baoki le lingaka ke 'metla-khola



lithathobo tse fapakaneng le lithare tse ling li Afrika Boroa moo ba lokelang ho ithekela tsona.

O ipilelitse ho paramente ho sebetsa maano, mekhoha le melaoana e ba kenyeletsang hore ba be le tokelo e lekanang le ea bakuli ba mafu a mang, hape 'muso o loantše tlhokahalo ea lipilisi Litsing tsa Bophelo le mechini e ba hlahlobang, hobane ba qetella ba ile litsing tse ikemetseng ho balla bophelo ba bona.

A re o na le tumelo ea hore ho so hlokaetse batho ba bangata haholo ka lebaka la ho hloka tsebo, haholo mafutsana hobane ba hloka chelete ea ho lefella litšebeliso. Ka hona ba kopa 'muso ho behella ka thoko chelete e tla thusa kalafong ea mafu ana.

Mookameli oa Mokhatlo Tlalane Nkhetše o supile hore ba sebetsa ka thata ho tsebana e le bakuli ba mafu ana, e le ho fana ka

ho amohela bakuli ho hlaha litsing tse ling.

'me eona e reretsoe ho thusa bakuli. Ho boetse hape ho na le chelete e beheletsoeng ka thoko, ka hoo ba

moho Majoro o bontšitse hore ba kopana le bothata halingaka li tlameha ho fumana hore na mafu ana a

Nthabeleng Seitlheko

Komiti ea Paramente e shebaneng le Boiketlo ba Sechaba, e khotalelitse bakuli ba mafu a sa tloaelehang ho khaotisa ho fetisetsoa litsing tse ikemetseng ka le reng ha ho lisebelisoa kapa thepa ka kalafo. Litaba tsena li sibollotsoe tulong komiti 'moho le Mokhatlo oa Mafu a ikhethang ka la 30 'Mesa monongoaha.

Komiti e supile ha taba ena e bakoa ke selekane seo lingaka tse sebetsang litsing tsa 'musong se nang le tsona le litsi tsena.

Molula-Setulo oa Balula-Litulo ba Likomiti tsa Paramente, Mohlomphehi Makhalanyane Mokhothu, o bontšitse hore o tšoentsoe ke boitšoarobona ba baoki le lingaka bo utloisang mafutsana bo bile bo ba tima litšebeliso empa thepa le lisebelisoa li le teng. O itse ha ho mokuli ea lokelang ho itsoa holimo le tlaase a sa fumane kalafo hobane 'muso o na le chelete e reretsoeng phano e joalo ea litšebeliso.

O re ho fihlela ha joale 'muso o na le khakanyo ea chelete e kaalo ka M100Millione e tlo reka thepa e tla sebelisoa ho hlahlobela mafu Sepetlele sa Sepotso sa Mofumahali 'Mamohato kaha se sebelisoa

Setho sa komiti Mohlomphehi Mohlomin-yane Tota, o re bontšitse bohlokoa bah o khokhohanya puo le baoki, lingaka le mekhatlo ea sechaba e sebetsanang le litaba la bophelo, e le ho ba beha leseling ka tseo ba li fihletseng hofihlela ha joale.

O re ho lokeloa ho hlahlojoa tšebetso ea litsi tse ngata tsa 'muso hobane li sebelisa chelete ea sechaba, ka hona li lokela ho fana ka litšebeliso tse hlakileng. A boela a bontša bohlokoa ba ntlafatso ea maano le melao molemong oa nelehetsano ea litšebeliso.

Komiti o boletse hore ho na le thepa e reketsoeng litsi tsohle ho kenyeletsa le Sepetlele sa Maseru se tlang ho buloa haufinyane,

etse likopo.

Setho sa Boto ea Mokhatlo oa Mafu a sa tloaelehang e bile e le mokuli 'Maka-

sa tloaelehang a tsebahala joang, hoo qetellong bakuli ba bang ba lefa lichelete tse ngata ha ba lokela ho etsa

malebela. O itse qholotso e kholo ke ho tlhokahalo ea lithare Litsing tsa Bophelo, ka hona o lefa chelete e kaalo M7, 500.00 e le ea liente tse tharo, M5, 000.00 ea tlhahlobo ea mali le M1, 500 ea lithare tse thusang sesole sa 'mele.

Ofisiri ea Mahlale ea Mafu a sa tloaelehang Lekaleng la Bophelo, Dr. Sejojo Phaaroo, o itse bothata bo boholo ke tlhokahalo ea maano le melao e etsang hore ho be le nelehetsano ea mosebetsi le chelete e tla thusa ntlafatsong ea litaba tsa bophelo ho fana ka thuto ho baetapele bohle ba sechaba. A re batho ba phelela le mafu a mangata empa ba hloka tsebo ka ona le hore a ka ba kotsi.



Tlhokomelo ea basebetsi

Nthabeleng Seitlheko

Basebetsi ke mokokotlo oa moruo ntle ho bona khoebo e ka putlama. Tsena li boletsoe ke Mongoli-Kakaretso oa 'Mamekhatlo oa Mekhatlo ea Basebetsi, Paul Sematlane, ka la 1 Motšeanong monongoaha.

O itse bahiri ba lokela ho hlompha litokelo tsa basebetsi hobane ba phelisa likhoebo tsa bona. A re ntho eo a e thabetseng ke hore ba atlehile ho fetisa molao o lumellang bahlanka ho theha mekhatlo, ka hona ba se ba tseba ho lula fatše ho buisana le bahiri.

Letona la Khiri le Bosebetsi, Mohlomphehi Tšeliso Mokhosi o hlalositse ha ba



etsi ho se khathale ho buisana le bahiri ba bona, 'me bona ba tla ba fa tšehetso.

O re lekala le tlo nyolla lipalo tsa bahlahlobi ka ha ba bone bohlokoa ba ho fana ka thuto sechabeng, empa ka holimo ho tsohle 'muso o tlo theha mesebetsi e mecha ka ho eketsa lifeme moo ho tla ba le meputso e mecha eo bahiri le basebetsi ba tla lumellana ka eona.

Mpontšeng Pama Letsoela, ho hlaha Mokhatlong oa Bahlanka o itse ba sebetse 'moho hore ba tsebe ho hlola liqholotso tsohle tse ba tobileng. O ipilelitse ho 'muso ho tlosa basebetsi ba boemo ba A le B hobane meputso eo ha se e phelisang, joaloka 2% ea nyollo e fuoeng bahlanka selemong sena sa lichelete.

Robert Mokhahlane oa CMQ, o re e le basebetsi ba likonteraka ba seboko ke khatello e etsetsoang basebetsi ba Basotho mesebetsing e meholo ea naha, ka ho fuoa meputso e sa pheliseng. O re melata ke eona e bonahalang e itatsoa menoana, 'me taba eo e baka boitseko libakeng tse ngata.

Mathelele Khahloe oa PALT, o itse ba lumela lipuisanong ka hona 'muso o ba bulele menyako hobane litaba tse hlohang bokena-lipakeng li ngata haholo hara bona e le basebetsi.

Letsatsi la Lefatše la Bosebetsi ke boikhopotso le ho hetla morao litaba tse tlamehang ho etsahala bosebeletsing, ka hona ho lekane ka lithekefetso tse etsetsoang basebetsi!

hlokometse hore bahiri ba lifeme b'a koala, ka le reng tlhahiso ea Lesotho e se e fokola papapisong le linaha tse ling. A re ba leka ka hohle ho buisana le bahoebi bao ho bona hore na ba ka hlola bothata bo teng joang, ha ba ntse ba itlhophela ba bacha.

A re ba bone ho le bohlokoa hore ba hlahe ka manane-thuto a tl'o thusa Basotho ho ba le litsebo, e le hore ba itsamaisitse lifeme molemong oa moruo o potolohang kahara naha. O itse sena ke tlhahiso ea mesebetsi, empa leha ho le joalo ba shebile ho beha basali le bacha kapele. A re litokelo tsa basebetsi ke e 'ngoe ea liphephetso tseo lekala le sebetsanang le tsona ka hloko. O kopile baseb-



Morero ha se maruo

Tšeliso Thakholi

Ka mosebetsi Moli-mo o re thusa ho hola makhabaneng a botho, 'me letsatsing lena la bosebetsi re kopa ho kopa hore a re thusa mesebetsi e fumanehe kahar'a naha ea habo rona. Tsena li builoe ke Fr. Patrick Matsau OMI Sehlabelong se Halalelang sa 'Missa Letsatsing la Basebetsi, se neng se tšoaretsoe

Parishing ea Maria Mofumali oa Lefatše, Mazonod ka la 1 Motšeanong 2024. Letsatsi lena le bile la tlotlisoa ka ho hlohonolofatsa thepa eo basebetsi ba e sebelisang mesebetsing ea bona e fapakaneng.

O boletse hore sepheo sa mosebetsi ha se kuno kapa ho bokella matlotlo hore motho e mong a fete e mong, empa ke ho fumana se lekaneng hore motho a tsebe ho phela le ho tsoelapele bophelong ba letsatsi

ka leng. "Motho h'a etsetsoa mosebetsi, empa o etselitsoe hore o thusa motho ho phela. Mosebetsi o fa motho ea sebetsang seriti, 'me leha o fana ka seriti hakalo, e bile o etselitsoe hore motho a tsoelepele, linthong tseo a li etsang, o lokela ho ba le merero eo a e phethahatsang, 'me phethahatsong ea eona o ntse a kenya letsoho morerong oa Morena Molimo oa hore o tla sireletsa le ho ntlafatsa bophelo." A rialo.

A boela a bonša hore batho ba sebetsang kajeno ba memeloa ho hlahloba likamano tsa bona le mosebetsi. "Re lokela ho ba motlotlo ka mosebetsi oa rona, re o thahaselle joaloka Josefa ea Halalelang." O boletse joalo a bile a eketsa ka ho qotsa molaetsa oa Mopapa Francis oa Letsatsi la Basebetsi h'a re; "Mosebetsi oa motho o lokela hore ebe mosebetsi oa Molimo le mosebetsi oa Molimo o lokela hore ebe mosebetsi oa motho."

Puisanong le e mong oa liahi, Monghali Patrick

Mphole o thoholelitse Kereke ka ho tšoaetsa letsatsi lena ka thapelo e kholo ea Sehlabelo se Halalelang sa 'Missa. A re haele 'nete litaba tsa bosebetsi li kolla Mangolong a Halalelang, 'me Kereke e le tšoaetsa e le hore batho bohle ba keteke litaba tsa Josefa ea Halalelang, hape le ho kenya bohlokoa ba mosebetsi bathong. "Re leboha Kereke ea Morena Molimo ha e ntse e re tsoasa morolo le ho re hopotsa Letsatsi la Bosebetsi e leng la Mohalaleli Josefa." O boletse joalo.

LHDA e haufi le baahi

ea likhoho le likolobe, e le ho matlafatsa tlhahiso ea mesebetsi.

Nthabeleng Seitlheko

Morero oa Metsi a Lihlabatsoa Le-sotho (LHDA) ka Morero oa Bobeli oa Khaho ea Letamo la Polihali, o rupe-la sechaba ka mekhoha ea temo e baballehileng le ho hlahisa lijo ho iphepa le ho rekisa. Tsena li tiisitsoe ke Palo Mohlotsane oa LHDA, ka la 28 'Mesa monongoaha.

O re LHDA ka moralo oa eona oa lilemo tse 10 o ikemiselitse ho tsetela temong ho thusa sechaba sa Seterekeng sa Mokhotlong ho lema ba hoeba, ho ntlafatsa makhulo le ho baballa boieane ba tlholeho. O bonts'itse hore ba se ba thusitse lihoai tsa Ha Mojakisane ho ithahisetsa moroho ka boikopanyo, ba rekisa le ho fepa malapa a bona. O itse temong ea litapole teng menonts'a, peo le lisebelisoa tsohle li tsoang ho bona.

E mong oa baahi ba Ha Mojakisane 'Mamohau



Setlhotlelo, o re temo ena e ba thusitse kaha ba rekisa, ba khona ho iphelisa le ho fepa malapa etsoe ba phela nakong ea tlhokahalo ea mesebetsi. Ka hona o re sena se thusitse basali ho sie bana hae ho ea batla mosebetsi naheng ea boahelani.

Haele 'Maboikano Motloli o itse boikopanyo bona bo boetse bo ba thusa ho hlola litlolo tsa molao le ho sebetsa 'moho

ba itšoarela ka matsoho. O bonts'itse phetoho ea boemo ba leholimo e le qholotso e kholo kaha ka nako e 'ngoe ho omellang haholo kapa ho ba le lifefo. A ipiletsa ho bacha ho fetola mokhoa oa ho nahana, ba tlohele ho sheba ho hiroa empa ba ithehele mosebetsi joaloka temo.

H'a phethela o entse boipeletso ba hore ba khahlametsoe ka theko





BASOTHO FOOD TASTING FESTIVAL

DATE: 2 - 4 August 2024
Venue: Boqate Leisure Park

MORE DETAILS LOADING...



SPONSORS:



E oele pelesa e meja



Tšeliso Thakholi

Mookameli oa Lekhotla le Phahameng la Tšifa-Limali, mofu Moahloli Hopolang Nathane basebetsi 'moho le eena ba mo pakiloe e le sekoankoetla kabong ea toka, e bile e le khomo e kenoang ka ma-hohle kaha a ne a sebetsa ka lerato le

boitelo. Tsena li hlapeletse tšebeletsong ea sehopotso sa bophelo ba hae, e bileng Lekhotleng le Phahameng, Maseru ka la 30 'Mesa 2024.

Moahloli oa Lekhotla le Phahameng, Moahloli Sakoane Sakoane o itse lefu la Moahloli enoa ke tahlehelo e kholo ho lelapa le ho sechaba sa Basotho. A re hara e mesebetsi ea hae e tsoileng

matsoho o tla mo hopola ka linyeoe tse peli, tseo a neng a fane ka kahlolo holima tsona, pele a khethe-loa ho ea ba Mookameli oa Lekhotla le Phahameng la Tšifa-Limali Seterekeng sa Leribe.

A re nyeoe ea pele ke ea ho hlongoa ha mephato, e neng e hlakisa mekhoha e nepahetseng. Ha ea bobeli e bile e neng e hlalosa pha-

pano lipakeng tsa sekolo le setsi sa koetliso. A qetella ka ho tšelisa lelapa le sechaba sohle sa Basotho.

Morena Sekonyela Sekonyela h'a phafa motsoalle enoa oa hae ea sebelitseng le eena Lekhotleng le Phahameng o itse mofu e ne e le motho ea bonolo ea neng a hlakile, 'me ha motho a ne a bua le eena o ne a anya manoni. A re o tsamaea na-

a rata mosebetsi oa hae ka tsela e khethehileng. A tiisa hore ke e mong oa baahlo-li ba fokolang haholo ka palo, ea neng a sa tsoafe ho kopa boelets'i. "Ke oa ba bang bao e neng e re h'a tšoere mosebetsi, a o etsa ka boitelo le ka matla ohle." Ke eena eo.

Lebitsong la lelapa, Mofumahali Mpeo Mahase-Moiloa o lebohile le



kong e mahlonoko eo Morena Molimo, "a reng le tle le hopole ke le ntšitse Egepetata. Mohlomong ka lefu la hae

ho amohela matšelis'o a fanoeng. A leboha Morena Molimo ka nako eo a ileng a ba alima enoa ngoan'abo

MFP e lahlehelo ke qhooku



Nthabeleng Seitlheko

Moetapele oa Marematlou Freedom Party (MFP) Tlhoriso Lekatsa, o re tahlehelo ea Mothehi oa Mokha oa habo, Mohlomphehi Vincent Malebo ke ntho e bohloko leha a ne a se a holile ba antse letsoele le mohasula. O boletse tsena, puisanong le koranta ka la 2 Motšeanong monongoha.

O re o tsebahetse ka ho sebetsa ka thata haho-

lo, 'me maputulo a hae a ile a bonahala nakong eo Motlotlehi Moshoeshe II a neng a le palehong. O boetse o kentse letsoho molaong oa khekhethane kaha a ile a sebetse litaba tsa selemo sa 1998.

O sebelitse ka thata ho fahlolla Basotho ka litaba tsa tšebeliso ea lichelete tsa 'muso kahar'a Komiti ea Paramente (PAC). Ka selemo sa 1992 e bile Letona la Likhokahanyo pusong ea Sesole, a boela hape ea e-ba Letona la Molao pusong ea Khokanyana Phiri.

Malebo o tlalehoa a ne a e-na le tšoaetso ea matšoafo nako e telele empa o lahlehetsoe ke bophelo ka lebaka la ho ema pelo. O hloka hala a le phomolong ea lipolotiki a le lilemo li 93 tsa tsoalo.

'Mathulo Monyane lebitsong la lelapa o supile a ile a kena sepetelele a bonahala a e-na le bothata ba ho hema, ea ka oa fola a lokolloa empa a timela ka lebaka la ho ema pelo. Moea oa hae le ea balumeli bohle ba faletseng o phomole ka khotso 'Muspung oa Morena Molimo.



Molimo o tla ke a ntše naha ena, bokhobeng Egepetata toka ke sehlohlole sa botsitso ba naha." A rialo.

A re Setereke sa Leribe se tsietsing e kholo kaha ho e-na le linyeoe tse ka bang 4,000 tse tlamehang ho buoa. "Ke Molimo feela ea tsebang hore na toka e tla tsamaea joang." O boletse joalo a bile a eketsa ka hore Moahloli Nathane o ne

bona. A re haele mona kakeno a se a ile ha se lelapa feela le utloileng bohloko, empa Naha ea Lesotho e sisinyehile ka tahlehelo ena. Mofu o sia barali ba bararo, mora a le mong le molekane oa hae. O tla bolokoa Ha Molengoane, TY ka la 3 'Mesa 2024. Moea oa hae le ea balumeli bohle e ke e phomole ka khotso.





TSA KEREKE

Lilemo li 25



Tšeliso Thakholi

“Kannete ke ntho e thabisang ha motho a qetile jubilee ea lilemo tse 25, feela mantsoe ao motho a ka buang ke ana a reng; Morena u bile le 'na ho fihlela mona. O tla 'ne o be le 'na ho ea pele, 'me ke sona seo re se kopang kamehla hore a phahamise seatla sa hae, re phethe mosebetsi oa hae ka moo re itlammeng ka teng.” Ana ke mantsoe a Fr. Patrick Khali Khoaele OMI h'a leboha Morena Molimo h'a keteka jubilee ea lilemo tse 25 e le moitlami.

O re le kajeno o ntse a imakaletse haholo hore na e fela ehlile ke eena ea seng a keteka jubilee ea lilemo tse 25. “Hoba motho ka linako tse ling u ne u sa nahana hore e ka ba kapele haka-na. Ke hore le hona joale ke ntse ke ipotsa hore na e fela e le 'na. Sena se bolela hore le ho tse 50 ho isa ho tse 100 nka fihla.” A rialo.

“Ke ile ka khetha Maoblata, ka lebaka la litaba tsena tsa ho iphana kaofela, ho fetoha lelapa le ho ba ntho e le 'ngoe le bao o keneng Kopano le bona.” Ke Fr. Khoaele eo.

Ke ngoana a le mong la-peng la mofu ntate Clem-

ent Khabu Khoaele le 'm'e 'Makhali Maria Khoaele ba 'mishone oa St. Benedict, Makhalleng. O entse lithuto tsa hae tsa mathomo St. Benedict ka selemo sa 1982 ho fihlela 1990. Ka selemo sa 1991 a etsa Foromo ea Pele Sekolong se Bohareng sa Prince Mohato, Ha Khan-yetsi. Empa h'a tsoanela ho ea etsa Foromo Bobeli a thoba a ipatlela sekolo St. Theresa Minor Seminary ka selemo sa 1992.

O kene Kopanong ea Barumuoa ba Maoblata a Maria ea se nang Sekoli ka selemo sa 1996. Ka la 1 'Mesa 1997 a amoheloa Pre-Novitiate, Maryland, 'me selemo se hlahlamang a leba Novitiate, Villa Maria. Ka la 6 Pherekhong 1999 a etsa likano tsa hae tsa pele, 'me ka sona selemo seo a leba St. Augustine Major Seminary ho ea etsa lithuto tsa hae tseo a ileng a li phethela ka 2006 a ba a nka likano tsa bophelo. Ka 2007 a hloetsetsoa mokhahlelong oa Bodiakone, 'me ka la 20 Loetse 2008 a tlotsetsoa Boprasta bo Halalelang ke mofu Mobabatsehi Bernard Mohlalisi OMI.

Thomong ea hae ea pele e bile Naheng ea Botswana ka selemo sa 2009, 'me ka sa 2012 ho isa 2019 ea e-ba motšoari oa lichelete Setsing sa Koetliso ea Baprasta Oblate Scholastice nako ea lilemo tse robeli. Kajeno ke moprista oa Parish ea Maria Mofumahali oa Lefatše.



2023-2024 SELEMO B

Sontaha sa 6 sa Paseka

Liketso 10,25-26.34-35.44-48

Pesalema 97

1 Joannes 4,7-10

Joannes 15,9-17



Khothatso

Morena o fana ntle ho moeli

Ke taba e tsosolosang moea ho tseba ka moo Morena a fanang ka sohle seo a nang le sona ho rona ntle ho moeli.

Thutong ea Pele Peterosi o fana ka melaetsa e mene; nakong eo Cornelius a neng a ithela maotong a hae ho mo khumamela o ile a mo bolella hore ke molingoana feela o shoang. Testament ea Khale Melaong ea Moshe e hlakisa hantle hore ho khumameloa le ho adoroa Morena Molimo a le mong feela. Hangata motho h'a bua ka mohalaleli o etsa hoja eka Morena Molimo ha bohlokoa hakaalo le hoja e le eena ka grasias ea hae a thusitseng mohalaleli eo ho phela bophelo bo tlotlitshehang. Ka hona molaetsa oo re lokelang ho o nka bohaleling ke hore Morena o fa bohle ba mo sebelelitseng ka lerato grasias ea hae. Ka mokhoa o tsoanang re na le batho bao re ba ratang haholo ba tummeng joaloka libini, libapali tsa papali ea kalaneng, 'me mabota a matlo a rona a tletse litšoantšo tsa bona ebe sefapano se seng feela. Batho bana ba fumane litalenta tseo tsa bona ho Morena Molimo, ka hoo letlotlo lohle le lebisoe ho Eena. Molaetseng oa bobeli Peterosi o re Morena Molimo h'a ee ka leeme, o rata hore bohle ba phele ka boiketlo le lerato. Batho ba bang ba khahlanong le sena ka ho etsa mohlala ka batho ba nang le bokooa, empa boinahano bona ke ba lefatše. Morena Molimo o bopiloe bohle ka ho lekana hobane o re bopiloe ka tsoano le eena, mpontše motho ea se nang moea le 'mele ke tla lumela hore e feela re sa lekane. Ha ho hlokahale bopaki ba hore re na 'mele hobane rea bona, re sa boneng re ka tsoara.

Katekisima ea Kereke e Katholike e re ruta hore re na le moea ebile ke ntho ea bohlokoa haholo e ka ho motho, e leng moo setšoantšo sa Morena Molimo se leng hona teng. (CCC # 363) Ka hona haeba e motona le e motšehali ba na le 'mele le moea Morena o re bopile re tsoana kaofela.

Qetellong Peterosi o bontša hore tlhatsuo ha se ea sechaba sa Morena se hlahang Testamenteng ea Khale feela hobane Kriste o shoetse bohle. Bopaki bo bong ke hore Moea o Halalelang o fane ka lineho tsa ona le ho Balichaba joalokaha o entse ho sechaba sa hae, hobane ha o khethe nku ka pere.

Evangeling Kriste o re haeba re boloka Melao ea hae re tla lula leratong la hae joalokaha le eena a bolokile ea Ntate 'me a lula leratong la hae. Re boloka Melao ea Kriste hobane thabo ea rona e phethahetse ha e na le ea hae. Ho boloka thabo ena re lokela ho phela ka mamelo le tumelo ho Kriste, re tsebe ho fumana mpho ea pholoho le bophelo bosafeleng 'Musong oa Morena.

Morena Jesu o bontša lerato la hae ho rona ka ho re bitsa metsoalle ea hae le hoja e le Morena oa rona. O re tsebisitse tsohle tseo a li utloileng ho Ntate. Ha se rona ba mo khethileng empa ke eena ea re khethileng. Ke ka Moea oa Molimo Ntate re tsebang hore Kriste ke eena karabo.

Ka grasias ea Molimo Ntate le ka mollo oa Moea o Halalelang re etsoa ba tsoanang le Kriste letsatsi le letsatsi. Matla a lerato a re halaletsang a re thusa ho khanya kapel'a bohle ka litholoana tsa Moea o Halalelang. Qetellong bohle ha re se re halalelitsoe ka Kriste re tla ba le kabelo 'Musong oa Hae, le teng e se hobane re lokela empa Morena oa rona o fana ka matsoho a mabeli.

Bahalaleli har'a Beke

13 Motšeanong Mael

14 Motšeanong Boniface

15 Motšeanong Indract

16 Motšeanong Hallvard

17 Motšeanong Adrio

18 Motšeanong Venantius

Tšeliso Thakholi

Mothehi e bile e le Motsamaisi oa Sehlopha sa Bolo ea Maoto sa Mzamane, Monghali Mohlalefi Kokoropo o re sehlopha sa habo se ikemiselitse ho tla hahara sohle, litlholisanong tsa Mohope oa Nedbank Top 8 tsa mokhahlelo o ka tlaase oa A Division tse tl'o bapalloa Lebaleng la Bambatha Sports Arena, Maseru ka la 4 ho isa la 5 Motšeanong 2024.

O itse o se a ithutile hore boholo ba lihlopha tse hlahang ka Boroa li atisa ho nka mohope, 'me Mzamane ha se mokhelo ho latela sehlopha seo ba tl'o bapala le sona e leng Members. A

bontša hore kamor'a ho bapala papali ea bona ea ho qetela ea liki le Kick4Life, ba ile ba phomola matsatsi a sa makae, eaba44 ba sebetsa ka thata ho itokisetsa lipapali tsena.

A tiisa hore haele Members eona ha ba e tšoha ho hang, ebile ba ikemiselitse ho etsa nalane selemong sena ka ho ba sehlopha sa pele se tlang ho hahara mehope eohle e tlang ho bapalloa mafelong ana a beke. A re ho hapa mehope eohle e tla ba sesupo sa hore Mzamane e nyolohetse lihlopheng tse kholo ka nepo e seng ka ntsoepele-pele. "Re ikemiselitse haholo ho hapa mohope ona." Ke Kokoropo eo.

Haele mokoetlisi oa Sehlopha sa Majantja seo le sona se keneng lihlopheng tse kholo, Monghali Bafokeng Mohapi o itse takatso ea bona ke ho hapa Mohope oa Top 8 mafelong,

Mzamane e'a ubella



empa qholotso eo ba bileng le eona ke hore sehlopha ha sea fumana nako e lekaneng ea ho ithlopha, bakeng sa ho fumana lipapali tse 'maloa tsa setsoale. Leha ho le joalo, a re ba tl'o sebetsa ka thata ho fihla

ho makhaola-khang. A supa hore lipapali tsena e tl'o ba tse boima haholo kaha tse ling tsa lihlopha ba sa li tsebe hantle, 'me ba e-s'o li bone ha li bapala.

Letsatsing la pele la Moqebelo li pannoe tjena: Ma-

roala vs Qoaling Highlanders, Kick4Life Juventude vs Swallows. Ka Sontaha: Mzamane vs Members le Lilemela vs Majantja. E be 'mampoli e tla ba mang? Ha re tsebe! Re se re tla boka ha li oraha.

Tšeliso Thakholi

Naughty Boys ntšing tsa selomo

Motlatsi oa Mokoetlisi oa Sehlopha sa Naughty Boys, Mofokeng Mosaeng o re sehlopha sa habo leha se bapala hantle kamehla ka lebaleng, taba e bohloko ka ho fetisisa ke hore se lula se lahleloa ke lipapali tsa bohlokoa ka linako tsohle, tse ka se pholosang mona moo se leng teng.

"Ho boima haholo hoba re loanela ho baleha selepe, 'me re saletsoe ke lipapali tse tharo feela. Meralo e ne e le hore ho tloha hajoale re

tla nka '3 points' lihlopheng tsena tse setseng tseo re tl'o kopana le tsona, empa ke papali ea bobeli ena ho sa etsahala joalo. Re bapala hantle ka lebaleng, empa re sitoa ho sebelisa menyetla ea rona, ha ba lireng bona ba e sebelisa ka nepo." A rialo.

A re ke setlamo hore ba hape lipapali tsena tse tharo tse seng, e leng ho etela LCS le LMPS e bonahalang e bapala hantle haholo lipapaling tsena tsa ho qetela tsa liki, ebe ba phethela liki ka ho bapala le Lijabatho habo eona Morija. A tiisa hore lihlopha tsena tseo ba ntseng ba loanela ho bale-



ha ho tla rathoa ke selepe, e leng Ace Maseru, CCX le Manonyane ha feela li ka hapa lipapali tsa tsona, ba se ba ntse ba le ka moo thakali e fatelang.

A re ba tšepisa botsamaisi le batšehetsi ba sehlopha hot la loana hofihlela metsotsong ea ho qetela kaha menyetla e ntse e le teng ea hore ba ka baleha qetellong ea loko. "Ha u sheba re na le '10 points,' e kapele ho rona e na le '17 points.' Hona ho bolela hore re hloka '9 points,' 'me haeba lihlopha tse ka pele ho rona li ka bapala ka ho lekana, rona ra hlola lipapali tsa rona tse setseng re tla be re phonyoholile selepe." O boletse joalo.

A qetella ka hore ba na le tšepo e kholo ea hore ha ba na ho theohela liking e katlaase ea A Division ha lipapali tsa Premier League li fihla pheletsong.

Ka ho hapa papali ena LDF e matlafalitse feela lintlha-khoho tsa eona ka moko-tleng kaha e se e-na le tse 43, empa e ntse e le maemong a borobeli lokong. Ha Naughty Boys le eona e ntse e le maemong a bo-16, e leng a ho qetela ka lintlha-khoho tse 10. Haele tse ling tsona li bapetse tjena; CCX 0-3 LMPS, Liphakoe 1-1 Machokha, Lioli 0-0 Linare, LUFU 0-1 Lijabatho, LCS 0-1 Lifofane, Matlama 2-1 Bantu le Ace Maseru 0-0 Manonyane.

Tšelisio Thakholi

LDF Ladies e'a sireletsa

Kamor'a ho tlotlolla le ho hobosa Sehlopha sa Berea Ladies ka phafa ea 6-1, li-papaling tse hlahlamang tsa ho qetela tsa Liki e Kholo ea Basali Lebaleng la Ha Ratjomose, Maseru ka la 27 'Mesa monongoa, Mokoetlisi oa LDF Ladies Monghali Lengana Nkhethoa o re ka ho hapa papali eo ba se ba ntse ba atlehile ho sireletsa mohope kaha ho se sehlopha se ka hlohang se fihla ho bona.

O buile tsena kamor'a papali eo Berea Ladies e bileng sona sa pele sa liki ho hlaba LDF Ladies ntlha, ho tloha lipapali tsa liki li qalile ngoahola. H'a manolla boitokisetso ba hae bakeng sa papali ena, Nkheth-

oa o itse o boletse libapali tsa hae ho se potlakele ho hlase-la karolong ea pele ea papali, empa ba amohela khatello e neng e etsoa ke Berea Ladies, e le hore ha ba kena karolong ea bobeli ba be ba khathetse, 'me ba tla tseba ho hlaba lintlha tseo ba li batlang.

"Leoa lena le fetse la re sebeletsa, ho latela ka moo re neng re itokisitse ka teng hoba re ile ra hlaba lintlha tse tšeletseng karolong ea bobeli ea papali." O boletse joalo a bile a eketsa ka hore ba ne ba tseba hantle hore Berea Ladies ha se sehlopha se telang habonolo, 'me se tla tla ka sekhahla se seholo ho bona, ba batle ho hlaba lintlha e sa le karolong ea pele ea papali. "Ho ile ha fela ha eba joalo hoba re ile khafutsoeng papali e le 1-1."



A re lipapaling tsa bona tse peli tse setseng ba sebeletsa lintlha-kholo tse ts'eletseng, 'me sehlopha se ba hlahlamang ba ka pele ho sona ka tse robeli. "Ha ho potang, re se ntse re sireletitse mohope ona oa rona." A rialo a bile a phethela ka ho leboha batšehetsi le libapali ka ho bapala ka lerato le boitelo.

Athe mokoetlisi oa Berea Ladies, Monghali Thabo Mbete o itse sesosa sa phafa ena e kana-kana e bakiloe ke hobane sebapali sa bona se bapalang moleng o kamorao se ile sa tsoa kotsi, 'me ba lokela ho mo ntša ba kenya se seng se neng se qala ho bapala liking. "Ke hona moo bothata bo hlahileng

teng, hoba LDF Ladies e ile ea hlokomela seo, 'me ea potlake-la ho sebelisa monyetla oo ho re hlaba lintlha lenyele-nyele." A re haesale ba le liking ena e kholo ba qala ho hlajoa lintlha tse ngata ha kana. "E ile ea 'na ea re hlola empa e seng ka mokhoa o tjena."

A qetella ka hore leha ba lahlehetsoe ke papali ka tsela eo, sena ha se a ama maemo a bona lokong kaha ba ntse ba le maemong a bone. A re ba il'o lokisa moo ba boneng liphoso. LDF Ladies e saletsoe ke lipapali tse peli tsa ho qetela e leng Bantu Ladies le Kick4Life Ladies. Ha Berea Ladies e saletsoe ke Mawes Ladies le Lijabatho Ladies.

E otlolloa e sa le metsi



Aupa Rasmeni o boletse hore boikemisetso bo boholo ba bona ke ho fuputsa talenta ea batho bana ba lilemo li tlaase, e le ho betlela papali ea ena tsela ea kajeno le kamoso le ho ntšetsa pele boleng ba eona kahar'a Naha ea Lesotho.

A re ba ikemiselitse ho hola le litereke tsa Lesotho e le ho kenya tjantjello le moea molokong o monyenane. A re libaka tseo ba ileng ba li etela ha ba ntse ba hlophisetsa mokete ona, e bile Seter-eke sa Quthing, Matsieng le Teya-teyaneng, e leng moo ba ithutileng hore talenta e teng ea ho empa ho hlokahala hore ba otlolle thupa e sa le metsi, ka ho kenya bana moea oa lerato la papali.

A re le hoja ba e-na le thahasello e kholo ea ho qala ho bana ba banyenyane lilemong, qholotso e kholo ke thokahalo ea lisebelisoa le mekhoha ea ho fumana botšehetsi ho tsoa ho bahoebi e le hore ba tsebe ho etsa mosebetsi ha bobebe.

A supa hore sepheo sa ho qalella ho utulla talenta lilemong tse tlaase hakaalo ke hore bana ba tle ba utloisise Table Tennis e le e 'ngoe ea karolo ea bophelo ba bona kaha e le bohlokoa haholo. A boela a supa hore se mo thabisitseng ke hore ho se ho ntse ho e-na le bakoetlisi ba robong ba tl'o tsoelapele ho etsa mosebetsi o tsoileng matsoho oa ho otlola bana lilemong tse tlaase. A ipiletsa ho batsoali, bahoebi le ho batho bohle ba boithatelo bo botle ho etsa letsoho la monna ho holi-sa le ho matlafatsa papali ena. Abuti Teboho Ramonaheng ea lilemo li 14, o itse o rata papali ea Table Tennis haholo hobane e mo thusa ho chorisa kelello ea hae, e le hore a lule a phetse hantle. Ho feta mona, a khotaletsa bana ba bang ho e rata le ho e bapala malapeng, metseng, kerekeng le likolong. "Batsoali ba rona ba re tšehetse ka ho tla lipapaling tsa rona ha re bapala." Ke Ramonaheng eo.

Tšelisio Thakholi

Mokete oa selemo le selemo oa ho tsoaea Letsatsi la Machaba la Papali ea Table Ten-

nis, le ketekiloa ka ho sebelisoa haholo ho akofisa kholo ea papali ena, ka ho fofonela talenta maemong a tlaase a bana ba ntseng ba thuthuha. Sena se bona-

hetse moketeng o neng o phethela ketekelo ea papali ena, o bileng Lepereeng, Maseru ka la 27 'Mesa 2024.

Mokoetlisi e moholo oa Papali ea Table Tennis, Monghali

Komisi e thakhola liphuputso

Nthabeleng Seithleko

Moahloli Realeboha Mathaba joaloka-ha Molula-Setulo o phatlalalitse ka molao tšebetso ea Komisi ea Liphuputso mabapi le liketsahalo tsa ho kakatoa le ho hlokoatsoa ha batšoaruoa Setsing sa Tlhabollo ea Batšoaruoa tse neng li etsahale ka khoeli ea Tšitoe ngoahola. Tsena li bile 'mokeng oa bo-ralitaba, ka la 2 Motšeanong monongoaha.

Tšebetso ea Komisi e tla tataisoa ke molao oa motheo oa naha, lengolo la thomo le

melašana empa e tla sebetsa ka hona bohle ba nang le thahasello ba ikopanye le ho Mongolisi oa Komisi.

A re e lebeletsoe ho thakhola tšebetso ka ka la 13 Motšeanong monongoaha, e ipapisitse le tlaleho ea Ofisi ea Monamoli.

O itse ntlheng ea batho ba tla fana ka bopaki e ka ba bahlan-ka ba sebetsang setsing kapa motho e mong, ba sa e shebisana, empa motho ea tla hana ho fana ka bopaki o tla be a tlotse molao ka hona ba tšepa hore ha ba na lokela ho sebelisa molao. A re bohle ba utlois-itseng bohloko ba tla bitsoa



Teboho Matjeka

It is okay to let go

Most of the time we hold on to things that have passed their sell by date simply because we worry about what we will have if we let that go, we have a feeling that it's the only thing that sees value in us simply because we have not tried anything else. This happens in relationships or material things, we are afraid that if this abusive good for nothing partner leaves then no one will find us attractive, we don't believe we are good enough for anything better.

But it is okay to let go, in fact it is very liberating to know that we aren't dependent on anyone for our happiness or fulfilment. Letting go refreshes our lives, we do not water the dead grass getting nothing while only increasing the water bill. It is only logical to let go when what we were holding onto does not produce the expected results. Some people are not meant to be in our lives permanently, some are afraid of the heights, so as we go up they are meant to fall off, it's not anybody's fault but it's natural, we should let go or else we will not accomplish the desired height. Having a history with someone doesn't mean we have a future together, they were there for a season and when that is done, it is very okay to let go. We should be prepared to let go of the things which are delaying our progress or else we will miss the appointment with our future.

kaha ho bua ka nako e 'ngoe e le pheko e fetang tsohle.

Setho sa Komising, Kelebone Maope, o re ha ba tsebe na ba tla bitsa batho bao kaofela kaha ba thusoa ke bahlan-ka ba 'muso hore ho tlisoa bopaki kapela komisi.

Mookameli oa Mehlang oa Litsi tsa Tlhabollo ea Batšoaruoa, Mojalefa Thulo o itse Lesotho le sebetsa ka Puso ea Sechaba ka Sechaba, ka hoo bona ba tla ipapisitse le tlaleho ea Ofisi ea Monamoli kaha ho se moo li hlabanang le hoja e 'ngoe le 'ngoe e na le melao ea eona e e tsamaisang.

A re mosebetsi oa komisi ke ho etsa liphuputso le likhotahletso e se bophethahatsi, ka

hona o na le tšepo ea hore ea e thehileng o tla phethahatsa tsohle tseo e li fihletseng. A re Gazette e thehang komisi e se e tsoile, 'me e e fa matla.

O re ho latela maemo ho na le nako eo e tla ikoalla ka liphuputso ho latela litaba tse tšetšethoang, 'me hona joale e se e qalile ho ithuta litokomane tse matsohong ha liakhente li se li qalile ho nka bopaki ho bohle ba anngoeng ke liketsahalo tsena.

O itse ba tlo sebeletsa Setsing se Maseru e leng moo tsohle li etsahetseng teng e le ho boloka nako le lisebelisoa tse fokolang, ka hoo ba tla etsa sohle ho sireletsa litaba tsena hobane li hlokolosi. O itse tšeb-

etso ea komisi ke e sa tloalehang hobane ba fanang ka bopaki e tla ba khahlanong le baetapele ba bona le balebeli, ka hona sireletso ke ntho ea bohlokoa empa haeba motho a rata hore litaba tsa hae li phatlalatsoe le teng ha ho bothata.

Litho tsa Komisi ke Moahloli Realeboha Mathaba, Molula-Setulo ebile e le Moahloli Lekhotleng le Phahameng, Kelebone Maope ea phomolong, Mojalefa Thulo ea sebelitseng e le Mookameli oa Setsi sa Tlhabollo ea Batšoaruoa.

Motlatsi oa Ramolao e Moholo, Makhele Sekati, 'me ea tla hlalisa bopaki kapel'a komisi ke 'Matanki Mosenene.

